

կը համարին: Թողումք մեք Յունաց և Թաթարաց բողոքները, Թարգմանեմք միայն Հայոց տուած աղերսագիրը¹ առ Շահան-Վերէյ. « Մեք երեք « հարիւր² տարիէ 'ի վեր Ձեր ծառայքն և հպա- « տակքն եմք, և դոհ կերպով կը բնակիմք Ձեր « տէրութեան մէջ, և երբեք անհանգստութիւն մի « կրած չեմք. այժմ կ'ուզեն քչել հանել զմեզ աստի: « Յանուն Աստուծոյ, մարգարէին և Ձեր նախնեաց՝ « կը պաղատիմք, այդ բռնութենէ ազատեցէք զմեզ « Ձեր ստրուկները, մեք միշտ աղօթող պիտի լի- « նիմք Ձեր կենաց համար առ Աստուած »:

Այս սրտառուչ աղերսագրոյն խօսքերը, եթէ բոլորը յանկեզծ սրտէ չհամարիմք, սակայն և այնպէս յայտնի ցոյցք են մեր պապերուն կրած տագնապին և վրդովմանց՝ և միանգամայն նախահոգ սրտին: Թողուլ տուն տեղ, դարևոր իրենց հայրե- նիք դարձած աշխարհքը, այգիներ, անտառներ, պարտեզներ և գեղեր, և որ առաւելն է սրբալէն եկեղեցիներ, իրենց լուսաղբիւրներով և հոգեհա- տոր սիրելեաց գերեզմաններով, և երթալ անծա- նօթ աշխարհք, որոյ ժողովրդոց ոչ բարքը և ոչ լեզուն կը հասկընան, շատ դժար և անտանելի բան է: Շահան-Վերէյ ոչ իրեն հաւատարիմ հպա- տակաց, Հայոց, աղերսը կը լսէ և ոչ Թաթարաց բողոքներուն տեղիք կու տայ, այլ անտարբեր աչօք կը դիտէ իւր և իւր աշխարհին կործանումը: Թա-

1 Խառթախայի ուսւ թարգմանութենէն:

2 Վերջին և մեծ գաղթականութենէ ևս հաշուելու լինիմք, որ եղած է 1550 ին մինչև ց1778, յորում ելած են Հայք 'ի Ղրիմէ, աղերսագրին մէջ վերոյիշեալ երեքհարիւր ամաց հաշիւն 448 տարի կը լինի: